



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-04-24618-184/23

Sarajevo, 15. 08. 2023. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

-Ovdje-



Predmet: Odgovor na zastupničko pitanje, dostavlja se

Cijenjeni,

Zastupnica u Skupštini Kantona Sarajevo **Admela Hodžić** u okviru Osme radne sjednice Skupštine Kantona Sarajevo je postavila zastupničko pitanje.

1. Koliko je ukupno angažovano asistenata u nastavi u Kantonu Sarajevo?
2. Koliko je od toga na određeno, a koliko na neodređeno vrijeme?
3. Koliko je od ukupnog broja asistenata u nastavi po općinama?
4. Na koji način su angažovani na radna mjesta asistenta u nastavi, po kojim javnim pozivima i projektima i koja prava ostvaruju u smislu plaća i novčanih naknada?
5. Koliko je plaćen asistent u nastavi na određeno, a koliko na neodređeno vrijeme?
6. Koliko asistenata ostvaruje pravo na isplatu regresa?
7. Na koji vremenski period i koliko su ukupno puta angažovani sa prekidima i koliko imaju staža od 01. 01. 2022. godine do kraja školske godine?
8. Da li je obim poslova, radnih zadataka i odgovornosti isti kod asistenata u nastavi na određeno i na neodređeno vrijeme?
9. Da li asistenti u nastavi koji rade na određeno i na neodređeno vrijeme imaju ocjenu za rad tokom svog radnog angažmana u Kantonu Sarajevo?
10. Da li svi asistenti u nastavi posjeduju certifikate o završenoj edukaciji za ovu vrstu posla i koliko se boduju ti certifikati prilikom zapošljavanja?

Odgovor 1.



2. Od ukupnog broja odobrenih asistenata u odjeljenju/grupi 65 asistenata na neodređeno vrijeme je angažovano u osnovnim školama i 12 asistenata na neodređeno vrijeme u predškolskim ustanovama u sastavu JU „Djeca Sarajeva“.

3. Tabela sa odobrenim brojem asistenata za osnovne škole, po općinama:

R.br.	Naziv škole/Općina	Broj zaposlenih asistenata na naodređeno vrijeme	Broj odobrenih asistenata u školskoj 2023/2024. godini na određeno radno vrijeme	Broj odobrenih asistenata u školskoj 2023/2024. godini čiji će se angažman sufinansirati putem Programa Službe za zapošljavanje KS/Federalnog zavoda za zapošljavanje ili na neki drugi način
OPĆINA STARI GRAD				Ministarstvo će školama naknadno dostaviti saglasnost u skladu sa potpisanim Programom zapošljavanja
1.	OŠ "Edhem Mulabdić"	1	2	
2.	OŠ "Mula Mustafa Bašeskija"	0	3	
3.	OŠ "Saburina"	0	1	
4.	OŠ "Šejh Muhamed ef. Hadžijamaković"	0	2	
5.	OŠ "Hamdija Kreševljaković"	1	0	
6.	OŠ "Vrhbosna"	0	1	
OPĆINA CENTAR				
7.	OŠ "Isak Samokovlija"	0	2	
8.	OŠ "Vladislav Skarić"	0	2	
9.	OŠ "Hasan Kikić"	1	5	
10.	OŠ "Alija Nametak"	1	4	
11.	OŠ "Musa Čazim Čatić"	0	2	
12.	OŠ "Safvet-beg Bašagić"	1	3	
13.	OŠ "Silvije Strahimir Kranjčević"	0	2	
14.	OŠ "Mehmed beg Kapetanović Ljubušak"	1	2	
15.	OŠ "Nafija Sarajlić"	1	4	
16.	OŠ "Hasan Kaimija"	0	1	
17.	Katolički školski centar - osnovna škola	0	2	
18.	OŠ „Šip“	0	1	
OPĆINA VOGOŠĆA				
19.	OŠ "Mirsad Prnjavorac"	0	2	
20.	OŠ "Zahid Baručija"	0	3	
21.	OŠ "Zajko Delić"	0	4	
22.	OŠ "Izet Šabić"	0	2	
23.	OŠ "Porodice ef. Ramić"	0	1	
OPĆINA ILIJAŠ				

24.	OŠ "Hašim Spahić"	1	1	
25.	OŠ "Podlugovi"	0	2	
26.	OŠ "Srednje"	0	1	
27.	OŠ „Stari Ilijaš“	2	2	
OPĆINA NOVO SARAJEVO				
28.	OŠ "Čengić Vila I"	0	2	
29.	OŠ "Malta"	5	3	
30.	OŠ "Hrasno"	0	3	
31.	OŠ "Grbavica I"	2	4	
32.	OŠ "Grbavica II"	0	2	
33.	OŠ "Pofalići"	2	2	
34.	OŠ "Velešićki heroji"	0	2	
35.	OŠ "Kovačići"	7	3	
OPĆINA NOVI GRAD				
36.	OŠ "Osman Nakaš"	1	2	
37.	OŠ "Mehmedalija Mak Dizdar"	1	2	
38.	OŠ "Behaudin Selmanović"	0	2	
39.	OŠ "Džemaludin Čaušević"	1	3	
40.	OŠ "Meša Selimović"	0	1	
41.	OŠ "Fatima Gunić"	1	3	
42.	OŠ "Aleksa Šantić"	8	2	
43.	OŠ "Skender Kulenović"	8	3	
44.	OŠ "Camil Sijarić"	0	2	
45.	OŠ "Osman Nuri Hadžić"	5	2	
46.	OŠ "Umihana Čuvidina"	0	3	
47.	OŠ "Avdo Smailović"	5	6	
48.	OŠ "Mustafa Busuladžić"	0	1	
49.	OŠ "Sokolje"	1	2	
50.	OŠ "Aneks"	0	2	
OPĆINA ILIDŽA				
51.	„Prva osnovna škola“	0	2	
52.	„Druga osnovna škola“	2	2	
53.	„Treća osnovna škola“	0	1	
54.	„Četvrta osnovna škola“	0	2	
55.	„Peta osnovna škola“	0	3	
56.	„Šesta osnovna škola“	5	2	

57.	„Sedma osnovna škola“	0	1	
58.	Osma osnovna škola “Amer Čenanović”	0	1	
59.	„Deveta osnovna škola“	0	1	
60.	“Deseta osnovna škola“	0	3	
OPĆINA HADŽIĆI				
61.	OŠ “6.mart”	1	1	
62.	OŠ “Hadžići”	0	3	
63.	OŠ “9. maj”	0	3	
64.	OŠ “Hilmi ef. Šarić”	0	3	
OPĆINA TRNOVO				
65.	OŠ “Zaim Kolar”	0	0	
UKUPNO:		65	142	

Tabela sa odobrenim brojem asistenata za srednje škole, po općinama:

R.br.	Naziv škole/Općina	Broj odobrenih asistenata u školskoj 2023/2024. godini na određeno radno vrijeme	Broj odobrenih asistenata u školskoj 2023/2024. godini čiji će se angažman sufinansirati putem Programa Službe za zapošljavanje KS/Federalnog zavoda za zapošljavanje ili na neki drugi način
			Ministarstvo će školama naknadno dostaviti saglasnost u skladu sa potpisanim Programom zapošljavanja
1.	Srednjoškolski centar „Nedžad Ibrišimović“	4	
2.	Srednjoškolski centar Hadžići“	4	
3.	Srednjoškolski centar Vogošća	2	
4.	Srednja škola poljoprivrede, prehrane, veterine i uslužnih djelatnosti	1	
5.	Srednja škola za okoliš i drveni dizajn	4	
6.	Srednja medicinska -Jezero	1	
7.	Srednja tehnička škola grafičkih tehnologija, dizajna i multimedije	1	
8.	Srednja ugostiteljsko-turistička škola	1	
9.	Prva bošnjačka gimnazija	1	
10.	Srednja poslovno		



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

	komercijalna i trgovačka škola	1	
11.	Srednja škola za saobraćaj i komunikacije	1	

Tabela sa odobrenim brojem asistenata Centri:

JU Centar za odgoj, obrazovanje i rehabilitaciju „Vladimir Nazor“	20
JU Zavod „Mjedena“	16
JU Centar za slušnu i govornu rehabilitaciju	5
JU Centar za slijepu i slabovidnu djecu i omladinu	3
JU Škola za srednje stručno obrazovanje i radno osposobljavanje	5

Tabela Odobreni asistenti JU „Djeca Sarajeva“

JU „Djeca Sarajeva“	12 asistenata na neodređeno vrijeme	26 na određeno vrijeme
---------------------	-------------------------------------	------------------------

4. Želimo Vas informisati da se angažman asistenata u odjeljenju/grupi na neodređeno vrijeme vrši u skladu sa propisanom procedurom, kao i za druge pozicije stručnih saradnika i nastavnika u osnovnim školama. Kako bi škole mogle provesti konkursnu proceduru prijema asistenata u odjeljenju na neodređeno vrijeme, kao i za sve druge pozicije na neodređeno vrijeme potrebno je osigurati prethodnu saglasnost Vlade Kantona i saglasnost Ministarstva za odgoj i obrazovanje za raspisivanje konkursa za prijem radnika. Posebnim programom Vlade za unapređenje inkluzije („Službene novine Kantona Sarajevo“ broj 17/22) odobren je angažman na neodređeno vrijeme ukupno 65 asistenata na neodređeno vrijeme u osnovnim školama i 12 asistenata na neodređeno vrijeme u JU „Djeca Sarajeva“.

Prije početka svake školske godine, odgojno-obrazovne ustanove Ministarstvu dostavljaju broj asistenata koje je potrebno angažovati kako bi se osigurala podrška učenicima sa teškoćama te Ministarstvo školama dostavlja saglasnost za angažovanje asistenata na određeno vrijeme u skladu sa Kolektivnim ugovora za djelatnost predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, br. 24/22 i 40/22) i Kolektivnim ugovorom za djelatnost srednjeg obrazovanja u Kantonu Sarajevo („Službene novine Kantona Sarajevo“, br. 38/22, 47/22- ISPRAVKA. Angažovanje asistenata u skladu sa Kolektivnim ugovorom znači da direktor bez raspisivanja javnog konkursa može angažovati asistenta na određeno vrijeme i to u prvom polugodištu školske godine, najduže do 135 dana i u drugom polugodištu školske godine najduže do 145 dana.

Također, svake godine Ministarstvo za odgoj i obrazovanje potpiše Sporazum o sufinansiranju zapošljavanja odgovarajućeg kadra za djecu sa poteškoćama u razvoju u osnovnom i srednjem obrazovanju u redovnoj nastavi u Federaciji Bosne i Hercegovine sa Federalnim zavodom za zapošljavanje. U školskoj 2022/2023. godini po navedenom Programu Službe za zapošljavanje Ministarstvo za odgoj i obrazovanje je dostavilo saglasnost za 6 osnovnih i dvije srednje škole da angažuju asistente, Zavod za zapošljavanje je sufinansirao dio troškova angažmana asistenata (bruto plaće), a Ministarstvo za odgoj i obrazovanje je finansiralo punu plaću za angažovane asistente i pripadajuće naknade (naknada za prevoz i topli obrok). U skladu sa potpisanim Sporazumom Ugovori sa asistentima po navedenom Programu su se zaključili na devet mjeseci, tj. do 31. 05. 2023. godine, te je u školskoj 2022/2023. godini od Federalnog zavoda za zapošljavanje osigurano 180.307, 38 KM. Prema informaciji Federalnog zavoda za zapošljavanje za program sufinansiranja stručnog kadra/asistenata u školskoj 2023/2024. godini (za angažman asistenata na 9 mjeseci) osigurano je 275.199, 00 KM.



5. Neto plaća asistenata i na određeno i na neodređeno vrijeme je u prosjeku 1.346 KM, bez minulog rada, a bruto plaća sa doprinosima je 2.290 KM. Pored bruto plaće radnici imaju pravo na naknadu za prevoz na posao u zavisnosti od udaljenosti mjesta stanovanja i mjesta rada u iznosu od 53 KM do 93 KM ako žive na području Kantona Sarajevo i naknadu za topli obrok u prosjeku 12 KM dnevno ili za mjesec 257 KM.

6. Svi asistenti koji ispunjavaju zakonski uslov da su radili neprekidno 6 mjeseci imaju pravo na regres za godišnji odmor koji je iznosio 611 KM. Nemamo tačan podatak koliki je broj asistenata ostvario navedeni uslov za isplatu regresa.

7. U pitanju broj 4 smo obrazložili način angažovanja asistenata, Ministarstvo za odgoj i obrazovanje nema informaciju o stažu nastavnika, stručnih saradnika, asistenata i direktora škola.

8. Uvažavajući činjenicu da asistenti angažovani na određeno i neodređeno, a koje odobrava Ministarstvo imaju istu plaću (odgovor broj 5) imaju i isti obim poslova i zadataka.

9. Pravilnikom o ocjenjivanju, napredovanju i sticanju stručnih zvanja, odgajatelja, profesora/nastavnika i stručnih saradnika u predškolskim ustanovama, osnovnim, srednjim školama i domovima učenika („Službene novine Kantona Sarajevo“ broj:19/04) nije propisano ocjenjivanje asistenata. Informišemo Vas da će nakon donošenja novog zakona o osnovnom i srednjem obrazovanju biti donesen novi Pravilnik kojim će se detaljnije propisati ocjenjivanje svih radnika, uključujući i asistente u odjeljenju.

10. Poslovi, profil i stručna sprema asistenta u odjeljenju definisani su Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu:

“Za pružanje podrške učenicima s teškoćama u razvoju u ostvarivanju odgojno-obrazovnih ishoda i socijalno-psiholoških poticaja, te osiguranja samostalnosti učenika, škola ima:

- **Asistenta u odjeljenju.** Asistent u odjeljenju optimalno radi sa dva učenika s teškoćama, a maksimalno sa 4 učenika sa teškoćama, u više odjeljenja. Škola ostvaruje pravo na asistenta u odjeljenju na osnovu obrazloženog zahtjeva, preporuke Mobilnog stručnog tima za pružanje podrške inkluzivnom obrazovanju i pisane saglasnosti Ministarstva.
- Jedan asistent u odjeljenju/grupi centra u kojima se realizuje Nastavni plan i program definisan na ishodima učenja za djecu sa umjerenim ili težim intelektualnim teškoćama, djecu iz autističnog spektra i djecu sa cerebralnom paralizom”.

“7.1. POSLOVI U OKVIRU 40-ČASOVNE RADNE SEDMICE ASISTENTA U ODJELJENJU

Asistent u odjeljenju u okviru 40 - časovne radne sedmice obavlja sljedeće radne zadatke:

7.1.1. pruža podršku učeniku/učenicima s teškoćama u razvoju

7.1.2. realizira prilagođene sadržaje i aktivnosti (daje upute, smjernice i pojašnjenja)

7.1.3. posreduje u uspostavljanju interakcije između učenika s teškoćama i drugim učenicima, te učenika s teškoćama i nastavnika

7.1.4. motivira, potiče i pomaže učeniku s teškoćama u razvoju prilikom uključivanja u nastavne i vannastavne aktivnosti odjeljenja

7.1.5. potiče učenikovo samopouzdanje i neovisnost

7.1.6. pomaže učeniku prilikom snalaženja u školskom okruženju, kretanja, izvođenja određenih pokreta, držanja pribora, korištenja udžbenika, pomaže prilikom promjene kabineta (odlaska u toalet, dvoranu za sport i sl), pripreme učenika za naredni sat u skladu s potrebom/stanjem učenika s teškoćama u razvoju

7.1.7. pomaže učeniku s teškoćama u razvoju prilikom dolaska u školu i prati učenika do roditelja/staratelja ili druge osobe koja učenika vodi kući



- 7.1.8. kontinuirano saraduje sa roditeljima/starateljima učenika s teškoćama u razvoju, nastavnicima, stručnim saradnicima, članovima Mobilnog stručnog tima, te sa profesionalcima iz zajednice
- 7.1.9. prati i dokumentuje rad i postignuće učenika s teškoćama u razvoju, te iznosi svoja zapažanja o učeniku s teškoćama u razvoju prilikom evaluacije IEP-a i/ili IPP-a
- 7.1.10 stručnoj službi škole dostavlja relevantne podatke o učeniku jednom mjesečno, koji su u funkciji evaluacije i unapređenja odgojno-obrazovnog rada
- 7.1.11. kontinuirano se stručno usavršava

Asistent u odjeljenju obavlja specifične poslove prema potrebi učenika s teškoćama u razvoju stoga nije moguće odrediti sedmičnu opterećenost asistenta u odjeljenju prema vrsti posla i radnim zadacima”.

“7.2. PROFIL I STRUČNA SPREMA ASISTENTA U ODJELJENJU

Nastavnički smjer: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Defektolog/edukator-rehabilitator različitog usmjerenja: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Logoped: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Pedagog: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Specijalni pedagog: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Socijalni pedagog: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Psiholog: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

Socijalni radnik: VII stepen stručne spreme ili završen I ili II ciklus Bolonjskog sistema studiranja, sa položenim stručnim ispitom

- Asistent u odjeljenju polaže stručni ispit u skladu sa propisanom procedurom, na način da se odredi mentor u skladu sa stručnom spremom asistenta u odjeljenju.
- Lica VI stepen nastavničkog smjera mogu zasnovati radni odnos, pozicija asistent u odjeljenju. Ova lica su obavezna doškolovati se u roku od tri godine, od dana donošenja programa doškolovanja“.
- Lica koja su završila prvi ciklus bolonjskog visokoobrazovnog procesa do kraja 2020/2021. školske godine mogu zasnovati radni odnos u osnovnoj školi, uz obavezu da završe II ciklus visokoobrazovnog procesa u roku od četiri godine od 16.8. 2021. godine,
- Iznimno, asistent u odjeljenju može se primiti na poziciju asistenta uz obavezu da položi stručni ispit za samostalno obavljanje odgojno-obrazovnog rada, najkasnije do kraja 2022/2023. školske godine”.

Shodno navedenom, certifikati nisu opći uvjet za zapošljavanje asistenata u odgojno-obrazovne ustanove, već se zapošljavanje vrši na osnovu navedenih kriterija. Napominjemo, da Ministarstvo za odgoj i obrazovanje i Institut za razvoj preduniverzitetskog obrazovanja realiziraju edukacije namijenjene asistentima u odjeljenju.

S poštovanjem,

